

Sat 3 Sept 1898

大清光緒廿四年

本館新聞除禮拜外每日出版一
紙外埠均可函致本館取
閱如外埠閱報加寄費不
也工本從英國採辦釘書裁
借各機器以待與各官紳
刊印書籍單件並有英法各
體活字及各式花邊等延有
西人排印工藝甚精所有中
印文字均能刊印並精工刊

第五千零三十四號

申報

本館開設在舊巴武口牌第七號

印工總倫敦延有文士書
寫各種文字現由上海購到
各種書籍出售其書目另行
刊佈所有各項原摺其相宜
本館所登來札原摺其有無
世道人心者附登否亦須無
礙於人而後始錄其有謾罵
成文以及支離費解者概不
登錄嗣後諸君來札尚祈
自諒更須寫真爵里而後敢
將原稿收回也本館謹白

戊戌七月十八日

大英一千八百九十八年九月三號拜六 每張售錢五文 每月一元 每季三元 每半年六元 每年十二元

論中國宜兼設測繪科

測繪之學由來久矣周官大司徒以天下土地之圖周知地域廣輪之數輿方氏掌天下之圖以掌天下之
地要周知其利害實為王者保邦致治之要務作圖之法必明於勾股深知形勢建邦立邑則有測星測景
以定其位山河委曲道理遠近村鎮羅列則有記里指南以肖其形暴秦崛起焚書滅法厥後知者寥寥晉
裴秀制圖條陳六體曰準望曰高下曰方邪曰迂直曰道里曰分率測繪算三事不過存其彷彿而已雖近
今作圖者精益求精猶未及西人之不遺餘力也故西人每出一圖瞭如指掌華人每望而却走是非華人
之聰明才力稍亞於西人實因朝廷取士既重文藝不求實學則士子亦無留心於此者其所以不能爭
勝於西人者蓋有數端焉士子從學率以文藝為重咕哩之外無暇他求於測繪等事漠然視之淡然置之
即有留心方域者亦多耳食從無以此為專業不若西人童蒙入塾各量其材即以是學為專業不以繪畫
為小技而實是講求或因經畫而專稽一方或因武事而專詳一處或因造鐵路而取平直以開山或因開
井礦而度形勢以鑿洞或因航海以識行程或因游覽以知指為事既繁需人自多以故從學者專心此
業中國素無留心此業之人今當振興之際築路開礦在在需人應選者不過一知半解徒取皮毛已耳測
繪之業無如西人之專此所以遜於西人者一也中國測量之器不外規矩準繩且精不精不便於用如矩
也偃固可以測天覆固可以測地平固可以正繩荷矩角不準大有毫釐千里之誤羅盤也八向八方指其
粗不能分其細且不知改正偏差之法用此等測量之器雖費苦工亦難密合西人測量全賴精妙儀器
如測天度則有經緯儀記作儀測地面則有測平儀羅盤儀測時刻則有子午儀日晷儀其他測器繁簡頗
多經緯儀之精平立二圈小則徑三四寸大則徑三四尺製配甚準分度極細一厘三百六十度度六十分
分六十秒復加佛逆綴以顯微鏡可分十分秒之一以至一百分秒之一秒分既細測角無差規制精良為
用自準中有遠鏡仰測天經星宿置列日月躔離可知也俯測地緯山水位置置道遠近可得也平測原野
土田高下地面低斜可見也紀限儀分兩種一圓盒者一三角式者其制雖異其用則同皆用六十度之弧
對測二點平測可知二物之距度立測可知二物之高度圓盒者體小便捷於攜帶游覽之人多用之三角式
者可以手握而測行海者多用之測平儀可測地之平面及地之高度而開礦築路多用之其他如羅盤儀
子午儀日晷儀各器皆極精良測繪之器華人無如西人之精此其所以遜於西人者二也 此稿未完

諭旨恭錄 ○七月初三日奉 上諭現在變通科舉業經准如張之洞陳寶箴所奏更定新章並
交禮部詳議條目頒行各省鄉會試改試策論一洗從前空疏浮靡之習殿試一場為通籍之始典禮至重
朕臨軒發策虛衷探納自必透取明幹達用之才嗣後一經殿試即可據為授職之等差其朝考一場著即
行停止朝廷造就人才惟務振興實學一切考試試帖概行停罷亦不憑楷法取士俾學士子獎勵等語戶
部郎中王宗基等於北城地面集費設立會文堂講求中西實學洵屬留心時務造就人材著傳旨嘉獎餘
依議欽此 ○同日奉 上諭總理各國事務衙門代奏工部主事康有為條陳請興農殖本一摺訓農通
商為立國大端前經迭諭各省整頓農務工務商務以冀開闢利源各處辦理如何現尚未據奏報萬寶大
原皆出於地利日闢則財用日阜即商務亦可日擬擴充是訓農又為通商惠工之本中國向本重農惟
尚無專董其事者以為倡導不足以鼓舞振興著即於京師設立農工商總局派員分赴各省督辦農務
補道徐建寅吳懋鼎督理端方著開去端昌道缺同徐建寅吳懋鼎均著賞給三品卿銜一切事件准其隨
時具奏其各省州縣早立農務學堂廣開農會刊農報購農器凡紳富之有產業者試辦以為之倡其工
學商學各事宜亦著一體認真舉辦統歸督理農工商總局端方等隨時考查各省即由該督撫設立分
局遣派通達時務公正廉明之紳士總司其事所有各屬開辦日期及派出辦理人員並著先行電奏此次
創辦之始必須官民一氣實力實心方可漸收成效端方等各該督撫等務當以體朝廷率作與事之至
意考求新法精益求精庶幾農業興而生殖日蕃工藝盛而流通益廣於以植富強之基朕有厚望焉欽此
○同日奉 上諭總理各國事務衙門奏議覆廖壽豐奏請飭出使各國大臣督同領事各就寓洋華人一



體建造學堂一摺英德日本各埠僑寓華民衆多羣聚難處不之可造之材亟宜創立學堂俾肄中西文字以廣教育著該大臣等體察情形妥為勸辦議定章程詳晰具奏另片奏請由使館繙譯外洋書籍等語繙譯西書籍以考証政治得失實為目前要圖羅豐祿慶常伍廷芳熟于英法文字就近購譯尤為便捷著即選擇蒐討詳加名色務令中西文義貫通陸續編纂成書隨時繳總理衙門呈覽欽此

歐洲電報

○前電有言俄皇撰有文稿擬請歐洲各國裁兵節餉以期共保昇平等語茲接十五日英京來電謂今據外間所料則列國必能允從所請彼此妥議以期長保昇平惟法國之心則以俄皇之為是舉并未先與法廷密商故其意中不無耿耿觀此情形倘俄國不能向法善為說詞則此會議之舉恐亦終於梗阻也十六日來電又云法國各報現在紛紛議論此事大有對俄之意皆謂俄皇之作此舉并未嘗計及法國臥薪嘗膽以圖恢復亞呂士及羅連士兩省之苦心而巴黎諸人之意亦謂俄皇之建此議實於俄法聯盟之事大有所妨而法國諸人之心因見德國官場報牘論及此事大獎俄皇故眾心益加忿忿云云按亞呂士及羅連士乃法之邊鎮前者普法之役割而隸普法人以為大辱至今猶不能忘故其經武整軍日不暇給是亦欲圖恢復起見倘如俄皇所約彼此裁兵節費定有限制不能妄動兵戈則此兩省地方遂無復懷之望法人之志如是則欲其如弭兵恐有不易言之處矣竊按弭兵之舉十年前已有創為是議者且經設立弭兵之會各國派員集於瑞典國會商乃議者口雖雖之而核其行事則并不能如會中所約可知弭兵一事最有難言今俄皇復伸此議乃其言甫出而與俄連盟之法國即首先極議則欲其事之有成恐正有不易言之處矣慨哉

法國電音

○本坡實得力太晤士西報接十六日英京來電云法廷昨將現充哨探之陸軍副將軒利拘捕一時諸人得聞此事甚為駭愕今據軒利已經供認前者曾作一函係假偽乃非士之名此函乃詐為在於別國隨便居住法京之武員處所得者而前者法國兵部大臣在於議院對眾宣論乃非士函洩軍機之罪即因此函而起云云按法國武弁猶太人乃非士函洩軍機一案牽連甚眾案中詳細本報前已備登一時局中局外諸人莫不關心遞聽嗣經訊實以為果屬乃非士之罪定以酷刑充配終身置一巨鐵籠囚諸荒島並派兵嚴加看守使不能與人交一語其慘酷之狀不能盡言於是蘇刺其人者代抱不平出而控告言此函非乃所作係為他人偽撰以入其罪者詎控而不直復置重罰而乃非士仍屢訟不休可知此案必有奇冤乃今接電音果言此案獲有偽撰函札之人可知乃非士之被非必係武營中與其不睦者所為然則乃非士之冤可以由此而伸蘇刺之志亦可由此而遂也乎

美國電音

○本坡實得力太晤士西報接十六日英京來電云美國進征古巴之陸軍統領買惹士經已聲其兵部尚書之罪言該尚書於征剿古巴一役辦理甚為不善以致營中兵軍病亡甚夥又言該尚書曾有妄將刑書停擱之事云云

孟買疫象電音

○本坡實得力太晤士西報接十五日英京來電云孟買一地於前禮拜內居民之患核症而斃者竟至二千三百人之多而孟買坡中死者亦至一百五十六人然則時疫之狂有可見矣

疆界粗定

○香港來信云美國駐紮文城陸軍統領迷力經與黨魁亞魏拿多議定文城之外則為魏黨管轄惟辦理各事務宜公平不可意存報復稍有苛虐所為云云

津鎮鐵路詳誌

○前者容觀察閱請將天津至鎮江之鐵路歸美人辦理朝廷業已允准嗣美因戰事未平遂中止焉現德人因山東為鐵路必經之地欲將鐵路歸其辦理大約此事須英德兩國集款開造方可有成但此鐵路若遠道而行大費周折且無利益若直行至津則自鎮至清江浦涉於黃河距沂州府四百九十里介沂州泰安之間崇山峻嶺連綿不絕其山之最高者約八十丈係必經之道其地皆巨石嶮岫泰安之側則為泰山迤邐而上距濟南三十里過新黃河北為齊河其地低濕入夏水漲過岸車不得行因是機器師等頗費躊躇云

越裳水患

○越裳來信云該處近日忽有大水為災華人及土人等斃者不可勝言云云來函止此一言其詳尚不可得而悉也

汕船弛禁

○西七月二十號本坡國家曾經出示凡有船隻由汕頭到叻者當照開行九日之期始能入口各節茲閱憲報言此禁已

經豁免然則汕頭時症當已銷除矣

上控堂期

○頃得臬轅信息云本坡臬使業經議定着於八月十二日開訊上控案件云云爰錄報中以為有事其間者預告

死册譯登

○頃閱册報稱前禮拜內叻地居民死者一百六十二人內計華人一百一十四名婦人二十四口

簡便密電

○上海信云去月廿九日上海報接電云黃公度觀察遵憲出使日本張觀察亨嘉出使高麗等語本月初三日再接電云

高麗欽使改

簡安徽臬司徐廉訪壽朋等語是否訛傳抑初時已簡張觀察旋又改易之處須俟續信再行登報

聖量恢宏

○朝鮮 簡放公使已登報牘茲接北京來函據云總署王大臣原擬作為四等公使其國書格式係 大清國大皇帝問大朝鮮大國王好大清國係雙禮而大朝鮮比大清國三字低一格寫與向來遣使投遞東西洋各國國書稍不區別繕備後進呈 御覽欽定 皇上詔謂諸臣曰朝鮮既已自主其體制即與各國均平時至今日奈何猶挾此虛偽之氣尋行數墨以爭此無謂之體統實為兩諸臣不取也遂奉 硃筆將大清國與大朝鮮均改為平禮而將國王二字改為君主二字 聖量恢宏不拘成格其與諸大臣之拘牽舊義爭虛名蒙實禍者度量相越俱不可以道里計矣噫中國有此 聖明之君安有不強哉

海南近事 ○港地來信云初一日香港德臣西報接駐海口訪事人函稱海南內地名奴都附近有煽亂之事數月以來該處匪首極
為聳動雖由瓊州府調兵彈壓息事惟兵退之後匪復蠢動并強挾鄉民相從該處幾於半為匪黨上禮拜該處之北有墟場名奴沙為匪黨踞
踞後得該處駐紮勇兵拒退云云湖上月廿七日亂黨之攻奴都也是時有兵一二百及民勇六十把守後匪被兵敗散祇存匪約七百人耳該
匪會將教堂園內物業攻取幸園後駐有兵丁未至損失而傳教人已先期離境避亂於雷城郭外故得免難接奴都城地方本富離海濱四十
英里又離港口九十英里城內有居民四五千如不早將亂匪擊散倘一旦與粵西土匪相聯則恐滋蔓難圖又須調停矣現聞海南之濱亦有
海賊猖獗甚盛云又言雷州附近亦有滋鬧情事迫艦開炮數响轟擊匪人始散

昌言改報 ○上海商務報前奉 旨改作官報派康主事有為督辦現康主事並未出京自派狄大令平辦理從前之時務報本係民
間集貨而成現在助款諸君商議改名昌言報仍按期出版云
保送特科 ○京友來函云經濟特科保送百人即行請旨現聞禮部冊檔已註有保送投考者八十餘人諒不日即可集成百名定期
應試矣

韓廷怯懦 ○德國駐韓公使要求開採金礦為韓外部拒絕德使遂誘韓之外部至署毆打韓之臣民咸動公憤擬與為難已紀前報
乃近聞韓廷懦弱非但不以為辱反許德人開採之權是真令人難料矣

九龍勘界述聞 ○香港來信云初五日英員往勘地界經已勘到淺灣初四日抵錦田墟此墟在深州灣大帽山之間現時九龍內地
盡已勘完祇餘各島未勘耳至九龍新批之地不知歸入香港統理抑或自為一所以自行經理聞將來另立總督以轄輔政司充之其地分為四
縣每縣設一縣官縣中之監獄及緝捕署稅務署估價署潔淨署均歸縣官統轄傳聞任此四縣職者一為署華民政務司蒲君一為臬署副經
歷司薛君一為華民副司金拔士君一為星架坡員伊利核君云

草聖回叻 ○朝鮮草聖尹溪石先生前到叻中一時求書者踵趾相接嗣先生轉游檳城吉隆等處前日復回叻地仍在新巨泰三樓
安現想求書者必當踵門以請更盛於前也

鑄案錄登 ○前報暗牌差役奉命以銀出換錢鑄以視有無攙雜實勝越鑄一事茲悉找換錢鑄之人因此被控者共有十一起內計
小坡七起源順街四起閩潮瓊籍皆有之十七日已由府尊訊定判各罰銀三元五角

十二枝案錄登 ○十七日巡理府堂訊十二枝案一起係在東陵島者路第二十六零九號門牌所獲計叻產閩婦陳金娘陳福娘及
叻產閩人許芳盛三人是日訊畢命展至二十三日再訊諸被告俱責保五百元又前報于車水尼路巷內查獲叻產閩婦洪意娘陳出娘二人
犯有十二枝賭博一案前經府堂訊定判各罰銀二千元被告請將案上控臬堂旋由臬使發回府署再查一案茲悉此案已由府署查核明確
將案再詳臬轅矣

對簿節抄 ○興化車夫張應時昨控西人伊力於案據稱十六晚伊坐其車遍遊各街不惟不給車值反遭毆傷頭額等語十七日府
尊訊定判罰伊銀二十元另給十元與張以為工值及養傷之費○第三百廿四號巡差昨控客人黃振美及黃協承於案據稱振美於十六早
駕駛牛車道經烏者路竟在車中睡熟因欲執之詎協承出銀三角欲行賄賂故并將其執獲云云府尊訊畢判振美罰銀一元協承罰銀五元

○叻產閩人蔡世長控告閩人顏色林叔戴戴及暗牌華差陳亞基於案言十六晚偶至牛車水某娼寮窺窺因不知房中有客誤為闖入因被
顏等毆打時欲鳴捕并為該暗差所阻故併控之云云同日府尊訊畢判顏等三人各罰銀半元該暗差則罰銀五元○叻產閩婦陳氏住居打
石街十五晚因在門外焚糖雖經領憑惟未照憑內所列時刻致遭控告十六日府尊提訊詎氏夫到案稱其妻現因頭痛未經赴案故余特來
代訊云云惟府尊以婦係被告不應倩人代替因命婦於翌日到堂質訊故於十七日始行訊定判罰銀五元示儆○前報曾厝港潮人曾亞養
控告閩人蘇嘉縱火焚斃豬隻及甘密樹等值銀九十八元一案同日復經府尊訊定以案無確據命將被告開釋

黃中允思承奏請均利保權疏 ○奏為事機迫切擬請均利止食保權強患恭摺具陳仰祈 聖鑒事竊臣維強鄰逼處貪得無厭由
口岸而鐵路由鐵路而礦產尋間抵隙得步進步有拒之不能應之不給之勢此誠存亡危急之秋也 皇上焦勞於上臣工憤極於下蓋亦
無可如何矣夫今所謂無可如何者不自今始昔也不察以至今日今再蹉跎何堪設想臣不敢作危詞以聳聽亦不敢持高論以沽名第就通
商口岸鐵路礦產三事言之各國所注意者此中國所諱盜者亦此既不能一概屏絕終必盡入其彀中一國營其端各國踵其後利不能均貪
必不止權將盡失患何忍言勢迫計窮莫此為甚若不早為之所江河日下將若之何擬請 降明詔飭內外大小臣工從長計議總三事
以定良謀合羣策而衷一是以臣愚陋之見凡在中國可為通商口岸地方不俟請立租界先行照會各國一律准其通商有利均沾有患共禦
與各國明定條約勿任一國專擅於其間並由 國家建設鐵路礦務兩大公司所有中國之路礦兩項統歸總公司籌款主持無論華商洋商
皆準附股合眾力以與大利即予均利以保全權切勿專借一國之債專附一國之股亦不允一國自專一省之路自指一處之礦股本統由總
公司招集轉發各省次第興辦所得之利亦皆滙歸總公司按照定章均平分給不以一處之路礦計其盈虧不以一事之興衰定其作廢而一

切修造管轄之權 朝廷主之公司任之各國不得從而干預之候奉 諭旨即請 簡派廉幹大臣詳議章程奏請施行總之利可公諸同好 權勿令其旁撓 皇上核四海一家之量體制愈尊各國沾優柔擊飲之恩爭端自息苟能行之無弊大局稍安事機稍定然後同心努力趁此 暇日亟圖自強收之桑榆未為晚也否則虎視眈眈伊於胡底然公司尤在得人而理荷不得人其弊甚大臣於無可如何之時作稍縱即逝之 慮建此下策如蒙 聖明采納應請 勅下廷臣會議并電飭各省督撫將軍將臣原奏各節詳加核議并切實保薦堪勝鐵路務總公司之 總理大員并所擬之條約章程合同亦請集思廣益公同酌定以期有利無弊然後施行大局幸甚是有當謹恭摺具陳伏乞 皇上聖鑒謹 奏 光緒二十四年三月二十九日具奏奉 旨交總理衙門核議欽此

承頂聲明 ○啓者實叻大坡舊巴貳馬踏厝後門牌一百一十八號榮發興號戴德水自丁酉年七月初一日與廈門梅圃號謝勳楚 合夥什貨生理至此戊戌年陸月廿八日梅圃號謝勳楚志圖別業即全請公人戴興 成源 悅來 李塔舍四位老爺秉公清算所有本利 銀項一概當堂交還謝勳楚明白日後生理盈虧不干謝勳楚之事其所有與人賒借以及各事概為經手是問不干榮發興戴德水之事先此 聲明免滋後論 大清光緒二十四年七月十八日 戴德水謹啟

草聖暫駐 ○朝鮮尹君漢石草法本地人士已所欣賞今由吉龍而返叻現寓於單邊街新巨泰三樓開筆更駐一月動身其潤資均 照舊例新到上海箋及金榜紙寄售 光緒廿四年七月十八日 啟

- 檳榔嶼華商捐助廈門平糶芳名錄 ○啟者茲接檳城善翁黃進聰 林花鏞 邱增妙 邱衝赤 林玉衡諸君經勸廈門平糶緣 款用將捐冊照登如左 開恒美號捐銀四百元 林寶紳翁銀三百元 羅廣生號銀二百元 鄭慎之翁捐二百元 新益興一百六十元 得昌號銀一百六十元 和利昌一百五十元 朱寶蘭一百五十元 萬得豐一百二十元 王珍祥捐銀一百元 怡順號捐銀一百元 順昌號捐銀一百元 順泰號捐銀一百元 興利號捐銀一百元 萬裕興捐銀一百元 廣安號捐銀一百元 李清珍翁捐銀一百元 榮順號捐銀六十元 福萬源捐銀六十元 成榮德捐銀六十元 順興號捐銀六十元 萬永裕捐銀五十元 利貞號捐銀五十元 榮棧號捐銀五十元 陳和盛捐銀五十元 豐成號捐銀五十元 邱成德捐銀五十元 林克全捐銀五十元 孟記號捐銀四十元 裕生春捐銀四十元 綿福號捐銀四十元 晉昌號捐銀四十元 合興號捐銀四十元 錦昌號捐銀四十元 順祥號捐銀三十元 慶源號捐銀四十元 廣福安捐銀二十元 廣源利捐銀二十元 華興號捐銀二十元 永安和捐銀二十元 福利號捐銀二十元 福南號捐銀二十元 源利號捐銀二十元 新瑞美捐銀二十元 順德號捐銀二十元 聯和號捐銀二十元 榮春號捐銀二十元 協發號捐銀二十元 崑美號捐銀二十元 榮興號捐銀二十元 集福號捐銀二十元 復崇號捐銀二十元 萬興利捐銀十五元 龍源號捐銀十二元 王萬通捐銀一十二元 萬吉號捐銀一十二元 三合源捐銀一十二元 成利號捐銀一十二元 裕昌號捐銀一十二元 永萬豐捐銀一十二元 泉合發捐銀一十元 晉豐號捐銀一十元 新萬昌捐銀一十元 永聯昌捐銀一十元 胡成啟翁捐銀一十元 永萬豐捐銀一十元 福萬美捐銀一十元 永裕昌捐銀一十元 藏德號捐銀一十元 林清濤捐銀一十元 恒和號捐銀一十元 永和號捐銀一十元 源茂號捐銀一十元 捷成號捐銀一十元 正同號捐銀一十元 洽泰號捐銀一十元 美源號捐銀一十元 忠源號捐銀一十元 千五百二十二元 大清光緒二十四年七月十七日 廈門平糶局駐叻籌捐董事公啟

廈門平糶局公啟 ○公啟者近日外間頗有煩言謂本局所辦寄廈平糶之米有參差之處并有無端加以想像之語謂購辦米石者 所獲之利竟至萬有餘金此說甚駭聽聞實不得不澈底清查以歸公當故本局同人等於本月十一日集眾公同查核因查得承辦米石之源 成順號歷屆所辦之米向無弊混均有簿據及往來單件為憑經由本局同人逐條詳查數皆符合惟最後一次所辦仰庄白米一千四百包則 委有不符之處因此米內攪雜半港之米竟至過半之多是緣該號東人并未在店司理而其任事人等一時不察竟任店伴冒昧為之茲經查 確此事悉與該號東主及豐揚輪船諸人無干但該號既有此失亦不能不酌量處分以昭至公除查確該號此次所辦之米獲利三百八十餘 元提出充公并承還豐揚輪船此次駁回米石六十三包載費外另着該號再交出銀一百元撥入本局以充善款此乃集眾公同議定無黨無 偏用將其事刊列報中俾眾周知以昭清白焉 大清光緒廿四年七月十五日 廈門平糶局駐叻籌捐董事公啟

退股聲明 ○啟者新嘉坡吉寧街門牌第十號萬福和客棧生理自甲午年集股開張今因田森和 梁采濱 熊翼亭三人志圖別 業願將各名下股份抽出退與陳玉堂承受經請公親饒子煥 許重光仁翁駕臨將該股份銀項交割明白至前公舉熊翼亭司理各事今將 全權改交陳玉堂司理倘有揭借滙認等項惟向經手是問而該客棧日後生理盈虧不干田森和 梁采濱 熊翼亭三人之事特此聲明以 免後論此佈 大清光緒二十四年七月十四日 新嘉坡梁采濱 田森和 熊翼亭今謹啟

覓稅船隻 ○啟者敝號欲承祖荷蘭所火船柳帆船一隻惟須堪載四十車至八十車者方為合用 諸君若有此船合意欲出賃者或要出售請移 玉至吉靈街順順和泰號詢問便得此佈 光緒二十四年七月初一日 吧城小南門武昌隆號內邱春昌告白

大荷蘭總領事示 ○大荷蘭國駐叻總領事府兩城 為招投餉碼事照得蘇門答臘轄下之望加麗 方有酒碼碩我碼及蠟碼等欲招人投充此碼乃承充一千八百九十九年一載為期又賭碼豬肉碼及當碼係承辦一千八百九十九年一千九百年及一千九百零一年三示為期以上各碼均定於西本年實添末月十七號即華八月初二日禮拜六在望加麗出投凡諸商民人等有欲承充者其如期前往投可也 特載 大英一千八百九十八年八月二十號 一

大荷蘭總領事示 ○大荷蘭國駐叻總領事府兩城 為招投餉碼事照得望內及其轄下各 之烟酒餉碼欲招商人投充此碼係承充一千八百九十九年一載之期或承至一千九百年及一千九百零一年三載之期均無不可此碼係定於西本年實添末月廿二號即華八月初七日禮拜四在望內之丹戎檳榔出投有志承充者其如期前往投充可也特諭知 大英一千八百九十八年八月十五號 一

大荷蘭總領事示 ○大荷蘭國駐叻總領事府兩城 為通知事照得西本年爪亞國家有羔丕九萬九千二百二十八担欲為拍賣如欲知其拍賣之期及一切詳細情形者可至本總領事署內詢問便得特此諭知 大英一千八百九十八年八月六號 一

大荷蘭總領事示 ○大荷蘭國駐叻總領事府兩城 為招投餉碼事照得本國家欲招人投充蘇門答臘東境一帶之豬碼而望加麗及打棉香分縣所屬之地不在此內所承之碼係一千八百九十九年一載之期或兼承一千八百九十九年一千九百年一千九百零一年三載之期均無不可此碼係定於西本年實添末月十號即華七月廿五日禮拜六在日裡之棉蘭出投有志承辦者其如期前往當眾投充可也特此諭知 大英一千八百九十八年八月六號 一

大荷蘭總領事示 ○大荷蘭國駐叻總領事府兩城 為招供水師伙食事照得本國家欲招人入票承充亞齊各水師兵軍伙食等件此碼係以三年為期由一千八百九十九年起至一千九百零一年止所入之票當送交亞齊之高打刺惹以憑選擇其入票之期係於高爾力巴吉末公司之輪船於實添末月十號由加勝巴起程路過蘇門答臘西境一帶除停公日外以抵港之翌日上午九點鐘以前送交至於承充此事之章程現存本總領事署內可以前來查看其餘一切詳細情形可閱爪亞加蘭荷報於一千八百九十八年裕來月廿六號所出第五十九號之報及其後數日之報內所登之告白便能知悉特此諭知 大英一千八百九十八年八月六號 一

大荷蘭總領事示 ○大荷蘭國駐叻總領事府兩城 為招投餉碼事照得本國家欲將坤甸及其四面各分縣即蠻巴 華蘭務打然 士雅加碼及蘇加打拿又 送爾等處之餉碼出投 一 賭碼 二 酒碼 三 屠猪及賣猪肉碼 四 當碼 五 抽收金礦礦稅及洗金洗磁之碼 以上各碼係承充西一千八百九十九年一載之期或兼承至一千九百年及一千九百零一年三載之期而此各碼均定於西本年實添末月五號即華七月二十日禮拜一早晨九點鐘在坤甸禮時珍署內出投其餘一切詳細情形可到本署詢問便能知悉各宜踴躍切切特示 大英一千八百九十八年六月十一號 一

大荷蘭總領事示 ○大荷蘭國駐叻總領事府兩城 為招投餉碼事照得望加麗中及典當餉碼現已定於西本年實添末月九號及十號在汶島出投此碼係承充一千八百九十九年一載之期或兼辦至一千九百年及一千九百零一年三載之期均無不可特此諭知特示 大英一千八百九十八年五月二十號 一

涇渭攸分 ○竊聞硯味足以亂玉魚目亦可混珠自來以偽亂真每致白為皂染苟不速明其梗概恐將莫辨其是非如我恒昇號開張二馬路馬交街口門牌三十六號開設以來久經寒暑素為坡中殷戶所深信而所製金銀珠寶各款首飾均足以足金造就及能花機翻粉以至垂青者源源而至蓋由託業雖微而心存忠信不欺童叟因之遠近咸知詎昨有馬扁一流行險徒倖到敝店打去金鑲藤六款鐲一對旋將包在金內之藤截去復將鉛納於空處以質之携往大昌典當真可以售其偽希獲多資豈知典夥精明立刻拿留即往報案昨由 府堂明鏡高懸訊定判將棍徒繫獄以警效尤敝號聞之且恐且快蓋恐者恐人疑及敝號果有串棍欺人加以素有與敝號參商者幸災樂禍讒言惑眾不知者被其朦蔽使敝號中懷蓄屈屈而莫伸所快者該棍徒不冒他人而冒敝號者足見我號人皆信重不待言也今者事既分明則敝號受此汚名亦已水清石現用敢特為佈告借鑒前車無論典庫中人及坡中商戶務必認明敝號圖記與眾不同庶不致再被棍匪所欺又免為讒言所惑也實所厚望謹此佈 聞 大清光緒二十四年六月十九日 石叻恒昇號謹啟

大荷蘭總領事示 ○大荷蘭國駐叻總領事府兩城 為招投餉碼事照得望加麗中及典當餉碼現已定於西本年實添末月九號及十號在汶島出投此碼係承充一千八百九十九年一載之期或兼辦至一千九百年及一千九百零一年三載之期均無不可特此諭知特示 大英一千八百九十八年五月二十號 一

大荷蘭總領事示 ○大荷蘭國駐叻總領事府兩城 為招投餉碼事照得望加麗中及典當餉碼現已定於西本年實添末月九號及十號在汶島出投此碼係承充一千八百九十九年一載之期或兼辦至一千九百年及一千九百零一年三載之期均無不可特此諭知特示 大英一千八百九十八年五月二十號 一

大荷蘭總領事示 ○大荷蘭國駐叻總領事府兩城 為招投餉碼事照得望加麗中及典當餉碼現已定於西本年實添末月九號及十號在汶島出投此碼係承充一千八百九十九年一載之期或兼辦至一千九百年及一千九百零一年三載之期均無不可特此諭知特示 大英一千八百九十八年五月二十號 一

湖北賑捐告白

館邊街益豐三店均有實收開捐

○啟者本局到叻辦賑捐現下分設各處開辦一在粵海清廟前謙源公司一在水仙門直街裕昌隆一在瓊州會館邊街益豐三店均有實收開捐諸君欲報捐者請到該號捐納自無貽誤矣
光緒廿四年六月十一日
寧陽館捐局謹啟

新到上等機器油

啟者本行有新到之機器油一種此油乃上等之貨所有輪船火礮火鋸及一切機器如用此油者較於卑麻油實有過之且其價值較卑麻油為廉每担約少三四元之譜 諸商有欲購用此油者可至本行取其油辦試之即能知其妙處更可以見本行之語非虛也特此佈告
大英一千八百九十八年八月十八號
轉珍目兄弟公司謹啟

時雨軒藥酒發售

蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而醱釀故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又軍中跌打藥酒如跌打刀傷積瘀暴腫服之併可舒筋絡而止痛大樽價銀一元小樽價銀五角又婦人經期肚痛藥酒如經期不調肚痛白帶服之亦可調經而銷痰每樽價銀四角 以上各項藥酒皆本軒留心監製屢試屢驗方敢出而問世所望 諸君沽而試飲方知余言不謬并希認明招牌古鼎為記庶不致誤惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在芙蓉埠廣生號寄售 一在吉隆坡恒棧號寄售
大清光緒廿四年六月廿九日
時雨軒主人謹啟

柴火聲明

啟者本號親自督辦孔明圖及五福標火柴二種來叻發售其火柴藥料精美歷久不潮實為上等屢荷 諸君光顧感已蒙獎譽乃有聞近無恥之徒假冒本號孔明圖及五福標兩庄火柴以低偽之貨售於市上希圖魚珠之混此等所為祈堪痛恨除嚴密訪查控究外用特佈明其事 諸君購用此等火柴者殊為細辨庶免為偽貨所欺然若能知偽冒後即當從重酬謝決無食言再本號仍有選辦孔明坐車票紅烟出售併此佈告
光緒二十四年二月二十四日
二馬路新巴虱口孔明齋謹啟

正呂宋烟發客



啟者本號親自在小呂宋採辦意末耶拿廠揀選正地道烟葉製造各款星妹麥仙花雙馬琴呂宋烟枝經已馳名中外其雙馬琴中更有二百庄白結度經尤為冠美氣味香順採客留心細察庶免魚目混珠今在新架坡馬交街門牌第四十三號前承辦各款呂宋烟發行貨真價實最屬相宜以圖久遠諸君光顧請移玉到本號面議詳請各款麥頭太多不能悉錄謹此佈 聞
光緒廿三年九月廿六日
新嘉坡馬交街生昌泰謹啟

實知寶西醫鑲牙告白

啟者余精習鑲牙之業并知牙科醫道凡與人脫牙并無痛楚而所鑲之齒由一二枚以至全副俱能鑲安如鑲全副者乃用最新之法其齒自能嵌固勝於舊法用彈弓者多倍又能以電氣參入醫道以醫脚風骨痛現再究得新法能治肺疾及風濕疼痛骨節堅強等症并為烏里燕達性命保險公司代理華人性命保險之事 諸君賜顧請至未得里路第六號門牌樓上面商為盼
大英一千八百九十八年六月二十八號
牙科醫生實知寶謹啟

豐源號

本號輪船往來各埠定期列如左 在各埠往實叻日期
由麻六甲往芙蓉每逢禮拜二六日中午十一點鐘開行
由各埠回實叻日期
由芙蓉回麻六甲每逢禮拜二五日上午十點鐘開行
由各輪船在叻往麻六甲吉隆坡實蘭午 等禮拜五日三點鐘開行特此佈


在實叻往麻六甲每逢禮拜一五日下午四點鐘開行
由芙蓉往吉隆坡每逢禮拜二六日下午六點鐘開行
由吉隆坡回芙蓉每逢禮拜二四日下午四點鐘開行
由麻六甲回實叻每逢禮拜二五日下午四點鐘開行
豐源號謹啟

蜜酒發賣



啟者本行由歐洲辦到上等蜜酒來叻發售其酒甚佳茲將標頭印出 諸君光顧請認明免致有誤近聞有無恥之徒假冒本行鎖匙標飲希圖目魚混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即酬花紅銀二百大元經官訊定即能給發斷不食言再此酒不能販往 加勝巴 三寶龍 泗里末 望加錫 檳榔嶼 日裡等處其他埠均能運往特此佈聞
大英一千八百九十八年正月一號
光緒二十三年十二月十八日

明嗎也洋行謹啟



烏密酒發賣



啟者本行向由英國督辦各名美酒來叻發售久已遐邇馳名茲復由英新辦到頭爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應認看以上所列之狗頭標庶不致誤且價甚相宜倘 諸君有欲酌飲者請至本行取用可也此佈
大英一千八百九十八年正月一號
光緒廿三年十二月十八日
明嗎也洋行謹啟

法國頂上蜂窠標萬蘭池酒發客



啟者本行由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佳饌中妙品也至此酒惟本公司一家沽出餘無別家出售 諸君光顧請細認蜂窠標頭為記並辨香味方不致誤價甚相宜倘有劉伶之癖者祈早至惠臨購買是幸
大英一千八百九十八年正月一號
光緒廿三年十二月十八日
明嗎也洋行謹啟


明嗎也洋行謹啟

馳名鐵櫥發售



警思營生之道所最要者則惟數簿其次則惟銀兩然必須有以善藏始無意外此本行鐵櫥之所以為 諸翁之所共賞也啟者本行所賣之鐵櫥久已馳名於東方一帶而於叻坡則聲名尤著至本行購買此等鐵櫥已有三十年之久其製甚為堅固保能避火且其鑰匙甚妙斷非盜賊等所能開計其 全身均用鐵製成並無雜以木料且諸櫥自前至今均為一式堅固耐無有優劣之分至於各櫥大小不一而價值則約一百元至四百元凡用之者可保其不礙焚燒即火災亦無所損本行之鐵櫥實為叻坡諸華商所喜購而本行每年所沽亦殊不鮮茲特為之錄佈倘 諸翁有惠顧者祈即玉臨選購為盼
大英一千八百九十八年正月一號
大清光緒二十三年十二月十八日

明嗎也洋行謹啟



三品洋酒

啟者本行督辦歐洲馳名三品洋酒來叻發售其酒係白頭款式發售有年沽飲 諸翁莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸翁購買本行白頭三品酒者請細認本號招牌之內有小紙包頭註明華字新嘉坡明嗎也公司者始真若無此字樣即屬偽冒請為細認特此佈告
大英一千八百九十八年正月一號
明嗎也洋行謹啟

